

0.0.1 jāṇussoṇī suttaṃ

1. atha kho jāṇussoṇī brāhmaṇo yena bhagavā tenu-pasaṅkami. upasaṅkamitvā bhagavatā saddhiṃ sammodi. sammodanīyaṃ kathaṃ sārāṇīyaṃ vītisāretvā ekamantaṃ nisīdi, ekamantaṃ nisinno kho jāṇussoṇī brāhmaṇo bhagavantaṃ etadavoca:

2. mayamassu bho gotama brāhmaṇā nāma dānāni dema saddhāni karoma: "idaṃ dānaṃ petānaṃ ñātisālohitānaṃ upakappatu, idaṃ dānaṃ petā ñātisālohitā paribhuñjantu'ti. kacci taṃ bho gotama dānaṃ petānaṃ ñātisālohitānaṃ upakappati? kacci te petā ñātisālohitā taṃ dānaṃ paribhuñjanti ti?

3. ṭhāne kho brāhmaṇa upakappati, no aṭṭhāneti.

4. katamañca¹ bho gotama ṭhānaṃ? katamaṃ aṭṭhānanti?

5. idha brāhmaṇa ekacco pāṇātipātī hoti, adinnādāyī hoti kāmesu micchācārī hoti, musāvādī hoti, pisunavāco hoti, pharusavāco hoti, samphappalāpī hoti, abhijjhālū hoti, vyāpannacitto hoti, micchādītṭhiko hoti, so kāyassabhedā paraṃ maraṇā nirayaṃ upapajjati. yo nerayikānaṃ sattānaṃ āhāro tena so tattha yāpeti, tena so tattha tiṭṭhati. idampi kho brāhmaṇa aṭṭhānaṃ yattha ṭhitassa taṃ dānaṃ na upakappati.

¹kathamañca pana - machasaṃ.

6. idha pana brāhmaṇa ekacco paṇātipātī hoti, adinnādāyī hoti, kāmesu micchācārī hoti, musāvādī hoti, pisunavāco hoti, pharusāvāco hoti, samphappalāpī hoti, abhijjhālū hoti, vyāpannacitto hoti, micchādiṭṭhiko hoti. so kāyassa bheda parammaraṇā tiracchānayoṇiṃ upapajjati. yo tiracchānayoṇikānaṃ sattānaṃ āhāro tena so tattha yāpeti, tena so tattha tiṭṭhati. idampi kho brāhmaṇa aṭṭhānaṃ, yattha ṭhitassa taṃ dānaṃ na upakappati.

7. idha pana brāhmaṇa ekacco paṇātipātā paṭivirato hoti, adinnādānā paṭivirato hoti, kāmesu micchācārā paṭivirato hoti, musāvādā paṭivirato hoti, pisunāya vācāya paṭivirato hoti, pharusāya vācāya paṭivirato hoti, samphappalāpā paṭivirato hoti, anabhijjhālū hoti, avyāpannacitto hoti, sammādiṭṭhiko hoti. so kāyassa bheda parammaraṇā manussānaṃ saṃvāyamaṃ upapajjati. yo manussānaṃ āhāro tena so tattha yāpeti, tena so tattha tiṭṭhati. idampi kho brāhmaṇa aṭṭhānaṃ, yattha ṭhitassa taṃ dānaṃ na upakappati.

8. idha pana brāhmaṇa ekacco paṇātipātā paṭivirato hoti, adinnādānā paṭivirato hoti, kāmesu micchācārā paṭivirato hoti, musāvādā paṭivirato hoti, pisunāya vācāya paṭivirato hoti, pharusāya vācāya paṭivirato hoti, samphappalāpā paṭivirato hoti, anabhijjhālū hoti, avyāpannacitto hoti, sammādiṭṭhiko hoti. so kāyassa bheda parammaraṇā devānaṃ saṃvāyamaṃ upapajjati. yo devānaṃ āhāro tena so tattha yāpeti, tena so tattha tiṭṭhati. idampi kho brāhmaṇa aṭṭhānaṃ, yattha ṭhitassa

taṃ dānaṃ na upakappati.

9. idha pana brāhmaṇa ekacco pāṇātipātī hoti, adinnādāyī hoti, kāmesu micchācārī hoti, musāvādī hoti, pisunavāco hoti, parusāvāco hoti, samphappalāpī hoti, abhiññhālū hoti, vyāpannacitto hoti, micchādiṭṭhiko hoti. so kāyassa bhedā paraṃ maraṇā petti visayaṃ upapajjati. yo pettivesayikānaṃ sattānaṃ āhāro, tena so tattha yāpeti. tena so tattha tiṭṭhati. yaṃ vā panassa anuppavecchanti² mittā vā amaccā vā ñāti vā sālohitā vā, tena so tattha yāpeti. tena so tattha tiṭṭhati. idaṃ kho brāhmaṇa ṭhānaṃ, yattha ṭhitassa taṃ dānaṃ upakappatī ti.

10. sace pana bho gotama so peto ñātisālohito taṃ ṭhānaṃ anuppanno hoti, ko taṃ dānaṃ paribhuñjati?

11. aññepissa brāhmaṇa petā ñāti sālohitā taṃ ṭhānaṃ anupapattā honti. te taṃ dānaṃ paribhuñjantī ti.

12. sace pana bho gotama so ceva peto ñātisālohito taṃ ṭhānaṃ anupapanno hoti, aññepissa petā ñātisālohitā taṃ ṭhānaṃ anupapannā hontī. ko taṃ dānaṃ paribhuñjatī ti?

²mittāmaccā vā ṭātisālohitā vā - machasaṃ

13. aṭṭhānaṃ kho etaṃ brāhmaṇa, anavakāso yaṃ taṃ ṭhānaṃ vivittaṃ assa iminā dīghena addhunā ya-didaṃ petehi ñāti sālohitehi. api ca brāhmaṇa dāya-kopi anipphalo hoti.

14. aṭṭhānepi bhavaṃ gotamo parikappaṃ vadatīti?

15. aṭṭhānepi kho ahaṃ brāhmaṇa parikappaṃ va-dāmi.

16. idha brāhmaṇa ekacco pāṇātipātī hoti. adinnā-dāyī hoti, kāmesu micchācārī hoti, musāvādī hoti, pi-sunāvāco hoti, pharusavāco hoti, samphappalāpī hoti, abhijjhālū hoti, vyāpannacitto hoti, micchādīṭṭhiko hoti, so dātā hoti, samaṇassa vā brāhmaṇassa vā annaṃ pānaṃ vatthaṃ yānaṃ mālāgandhavilepanaṃ, seyyā-vasathapadīpeyyaṃ. so kāyassa bhedā paraṃ maraṇā hatthinaṃ sahavyataṃ upapajjati. so tattha lābhī hoti annassa pānassa mālā nānālaṅkāraṇaṃ.

17. yaṃ kho brahmaṇa idha pāṇātipātī, adinnādāyī, kāmesu micchācārī, musāvādī, pisunavāco, pharusa-vāco, samphappalāpī, abhijjhālū, vyāpannacitto, mic-chādīṭṭhiko, tena so kāyassabhedā parammaraṇā hat-thīnaṃ sahavyataṃ upapajjati. yaṃ ca kho so dātā hoti samaṇassa vā brāhmaṇassa vā annaṃ pānaṃ vatthaṃ yānaṃ mālāgandhavilepanaṃ, seyyāvasathapadīpeyyaṃ, tena so tattha lābhī hoti annassa pānassa mālā nānālaṅkāraṇaṃ.

18. idha brāhmaṇa ekacco pāṇātipātī hoti. adinnā-dāyī hoti, kāmesu micchācārī hoti, musāvādī hoti, pi-sunāvāco hoti, pharusavāco hoti, samphappalāpī hoti, abhijjhālū hoti, vyāpannacitto hoti, micchādiṭṭhiko hoti, so dātā hoti, samaṇassa vā brāhmaṇassa vā annaṃ pā-naṃ vatthaṃ yānaṃ mālāgandhavilepanaṃ, seyyāva-sathapadīpeyyaṃ. so kāyassa bhedaṃ paraṃ maraṇā assānaṃ saṃvāyamaṃ upapajjati. so tattha lābhī hoti annassa pānassa mālā nānālaṅkāraṃ.

19. yaṃ kho brahmaṇa idha pāṇātipātī, adinnādāyī, kāmesu micchācārī, musāvādī, piṇḍavāco, pharusa-vāco, samphappalāpī, abhijjhālū, vyāpannacitto, mic-chādiṭṭhiko, tena so kāyassabhedā parammaraṇā as-sānaṃ saṃvāyamaṃ upapajjati. yaṃ ca kho so dātā hoti samaṇassa vā brāhmaṇassa vā annaṃ pānaṃ vatthaṃ yānaṃ mālāgandhavilepanaṃ, seyyāvasathapadīpeyyaṃ, tena so tattha lābhī hoti annassa pānassa mālā nānālaṅkāraṃ.

20. idha brāhmaṇa ekacco pāṇātipātī hoti. adinnā-dāyī hoti, kāmesu micchācārī hoti, musāvādī hoti, pi-sunāvāco hoti, pharusavāco hoti, samphappalāpī hoti, abhijjhālū hoti, vyāpannacitto hoti, micchādiṭṭhiko hoti, so dātā hoti, samaṇassa vā brāhmaṇassa vā annaṃ pā-naṃ vatthaṃ yānaṃ mālāgandhavilepanaṃ, seyyāva-sathapadīpeyyaṃ. so kāyassa bhedaṃ paraṃ maraṇā gunnaṃ saṃvāyamaṃ upapajjati. so tattha lābhī hoti annassa pānassa mālā nānālaṅkāraṃ.

21. yaṃ kho brahmaṇa idha paṇātipātī, adinnādāyī, kāmesu micchācārī, musāvādī, pisunavāco, pharusavāco, samphappalāpī, abhijjhālū, vyāpannacitto, micchādīṭṭhiko, tena so kāyassabhedā parammaraṇā gunnaṃ saḥavyataṃ upapajjati. yaṃ ca kho so dātā hoti samaṇassa vā brāhmaṇassa vā annaṃ pānaṃ vatthaṃ yānaṃ mālāgandhavilepanaṃ, seyyāvasathapadīpeyyaṃ, tena so tattha lābhī hoti annassa pānassa mālā nānālaṅkāraṇaṃ.

22. idha brāhmaṇa ekacco paṇātipātī hoti. adinnādāyī hoti, kāmesu micchācārī hoti, musāvādī hoti, pisunavāco hoti, pharusavāco hoti, samphappalāpī hoti, abhijjhālū hoti, vyāpannacitto hoti, micchādīṭṭhiko hoti, so dātā hoti, samaṇassa vā brāhmaṇassa vā annaṃ pānaṃ vatthaṃ yānaṃ mālāgandhavilepanaṃ, seyyāvasathapadīpeyyaṃ. so kāyassa bhedaṃ paraṃ maraṇā kukkurānaṃ saḥavyataṃ upapajjati. so tattha lābhī hoti annassa pānassa mālā nānālaṅkāraṇaṃ.

23. yaṃ kho brahmaṇa idha paṇātipātī, adinnādāyī, kāmesu micchācārī, musāvādī, pisunavāco, pharusavāco, samphappalāpī, abhijjhālū, vyāpannacitto, micchādīṭṭhiko, so tena kāyassabhedā parammaraṇā kukkurānaṃ saḥavyataṃ upapajjati. yaṃ ca kho so dātā hoti samaṇassa vā brāhmaṇassa vā annaṃ pānaṃ vatthaṃ yānaṃ mālāgandhavilepanaṃ, seyyāvasathapadīpeyyaṃ, tena so tattha lābhī hoti annassa pānassa mālā nānālaṅkāraṇaṃ.

24. idha pana brāhmaṇa ekacco pāṇātipātā paṭivirato hoti, adinnādānā paṭivirato hoti, kāmesu micchācārā paṭivirato hoti, musāvādā paṭivirato hoti, pisunāvācā paṭivirato hoti, pharusāya vācāya paṭivirato hoti, samphappalāpā paṭivirato hoti, anabhijjhālū hoti, avyāpannacitto hoti, sammādiṭṭhiko hoti. so dātā hoti samaṇassa vā brāhmaṇassa vā annaṃ pānaṃ vatthaṃ yānaṃ mālāgandhavilepanaṃ seyyāvasathapadīpeyyaṃ. so kāyassa bhedaṃ paraṃ maraṇā manussānaṃ saha-vyataṃ upapajjati. so tattha lābhī hoti mānusakānaṃ pañcannaṃ kāmagaṇānaṃ.

25. yaṃ kho brāhmaṇa idha pāṇātipātā paṭivirato hoti, adinnādānā paṭivirato hoti, kāmesu micchācārā paṭivirato hoti, musāvādā paṭivirato hoti, pisunāvācā paṭivirato hoti, pharusā yavācāya paṭivirato hoti, samphappalāpā paṭivirato hoti, anabhijjhālū hoti, avyāpannacitto hoti, sammādiṭṭhiko, tena so kāyassa bhedaṃ parammaraṇā manussānaṃ saha-vyataṃ upapajjati, yañca kho so dātā hoti samaṇassa vā brāhmaṇassa vā annaṃ pānaṃ vatthaṃ yānaṃ mālāgandhavilepanaṃ seyyāvasathapadīpeyyaṃ. tena so tattha lābhī hoti mānusakānaṃ pañcannaṃ kāmagaṇānaṃ.

26. idha pana brāhmaṇa ekacco pāṇātipātā paṭivirato hoti, adinnādānā paṭivirato hoti, kāmesu micchācārā paṭivirato hoti, musāvādā paṭivirato hoti, pisunāvācā paṭivirato hoti, pharusāya vācāya paṭivirato hoti, samphappalāpā paṭivirato hoti, anabhijjhālū hoti, avyāpannacitto hoti, sammādiṭṭhiko hoti. so dātā hoti sama-

ṇassa vā brāhmaṇassa vā annaṃ pānaṃ vatthaṃ yānaṃ mālāgandhavilepanaṃ seyyāvasathapadīpeyyaṃ. so kāyassa bhedaṃ paraṃ maraṇā devānaṃ saṃvayaṃ upapajjati. so tattha lābhī hoti dibbānaṃ pañcanaṃ kāmagaṇānaṃ.

27. yaṃ kho brāhmaṇa idha pāṇātipātā paṭivirato hoti, adinnādānā paṭivirato hoti, kāmesumicchācārā paṭivirato hoti, musāvādā paṭivirato hoti, pisunāvācā paṭivirato hoti, pharusāya vācāya paṭivirato hoti, saṃphappalāpā paṭivirato hoti, anabhijjhālū hoti, avyāpanna-citto hoti, sammādiṭṭhiko. tena so kāyassa bhedaṃ paraṃ maraṇā devānaṃ saṃvayaṃ upapajjati. yañca kho so dātā hoti samaṇassa vā brāhmaṇassa vā annaṃ pānaṃ vatthaṃ yānaṃ mālāgandhavilepanaṃ seyyāvasathapadīpeyyaṃ, tena so tattha lābhī hoti dibbānaṃ pañcanaṃ kāmagaṇānaṃ. api ca brāhmaṇa, dāyako pi anipphalo ti.

28. acchariyaṃ bho gotama, abbhūtaṃ bho gotama, yāvañcidaṃ bho gotama alameva dānāni dātum, alaṃ saddhāni kātum, yatrahi nāma dāyako pi anipphalo hoti.

29. eva metaṃ brāhmaṇa, evametaṃ brāhmaṇa³, dāyakopi hi brāhmaṇa anipphalo⁴ hoti.

³eva metaṃ brāhmaṇa - machasaṃ.

⁴anipphaloti - machasaṃ.

30. abhikkantaṃ bho gotama abhikkantaṃ bho gotama. seyyathāpi bho gotama, nikkujjitaṃ vā ukkujeyya paṭicchannaṃ vā vivareyya, mūlhassa vā maggaṃ ācikkheyya, andhakāre vā telapajjotaṃ dhāreyya cakkhumanto rūpāni dakkhinti. evamevaṃ bhotā gotamena anekapariyāyena dhammo pakāsito. ete mayaṃ bhavantaṃ gotamaṃ saraṇaṃ gacchāma dhammañca bhikkhusaṅghañca. upāsakaṃ maṃ bhavaṃ gotamo dhāretu ajjatagge pāṇupetaṃ saraṇaṃ gatanti.